



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 48. Epistolæ Papæ ad Canum Tartarorum.

---

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

retur. Tertius erat Hugo Sevinus Bil-  
lemi in Arvernia natus, Ordinis Prædica-  
torum, Cardinalis Presbyter tit. S. Sabi-  
næ. Quartus fuit Petrus Peregrossus  
Mediolanensis Cardinalis Diaconus de  
S. Georgio, celeberrimus Jurisconsultus, qui  
Ecclesiæ Romanæ Pro-Cancellarium  
egerat. Duo reliqui Diaconi erant No-  
biles Romani, prior Napoleon de Urfinis  
antehac Ecclesiæ Romanæ Hypodiaco-  
nus, Papæ a facello, & Canonicus Pari-  
sienfis, nunc Cardinalis de S. Adriano;  
alter de S. Eustachio Petrus Columna  
maritus; sed cum ita promotus esset,  
actutum conjux ejus in cœnobium quod-  
dam se abdidit, ubi ad continentiam se  
voti religione obstrinxit.

## §. XLVIII.

*Epistola Papæ ad Canum Tartarorum.*

Papa Nicolaus vix suum folium conscen-  
derat, cum de Tartaris quam pluri-  
mis Christo adjunctis jucundum acce-  
pit nuncium. Episcopus quidam Ber-  
sauma dictus, quidam Nobilis Sabadinus  
nomine, Thomas Anfusius, & Hugo in-  
terpres attulerunt illi litteras Argonis Ma-  
gni Mogolum seu Tartarorum Cani, qui  
Sultano Achmeto cognato suo, in fra-  
ternum Abacæ locum suffecto quatuor

Sæcul. XIII.

A. C. 1288.

*Id. 1279. n. 11.**Vading.*

1288. n. 3.

*Rayn eod.*

n. 33. 36.



Sæcul. XIII.  
A.C. 1288.

*Bibl. Orient.*  
p. 72. 127.

*Vading.*  
1284. n. 3.

abhinc annis successerat. Achmetus Mogolum odium sibi acciverat Musulmannicam complectendo sectam. Sed Argon e contrario Christianis Judæisque magnopere favens, omnem Musulmannis authoritatem, justitiæ ac ærarii curam, & ad se in castra veniendi copiam ademit; dicebantque isti eum velle delubrum Meccense in templum Christianum convertere, ibique idola (sic imagines vocant) ponere.

Hujus, inquam, Principis Legati advenere, quos comitabantur quidam Fratres Minores ab Ordinis sui Ministro Generali Bonagratio in Orientem missi. Papa Nicolaus legatione ingenti gaudio excepta, Cano Argoni scribens gratulabatur desiderium dilatandæ fidei Christianæ, & baptismatis Hierosolymæ accipiendi, postquam ethnicis eam eriperit: monebat tamen, ne baptismum usque eo differret. Dabat 2 Apr. 1288. Terræ sacræ succurrendi cupido fortitan movebat Papam, ut his Legatis plus haberet fidei, quam par erat: nullum enim tam bellæ spei fructum videmus.

§. XLIX.

*Status Regni Hierosolymitani.*

Rex Cypri Henricus II regni Hierosolymitani reliquias tum possidebat.  
Nam